



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

González Téllez, Emanuel

Francofurti Ad Moenum, 1690

Caput XI. Idem (a) Abbatib. & Priorib. & Clericis per Archiepiscopatum
Eboracen. constitutis.

[urn:nbn:de:hbz:466:1-74526](https://nbn-resolving.de/urn:nbn:de:hbz:466:1-74526)

ducti alios ad eas Ecclesias Episcopis repräsentant, & illi ad eorum representationem in eisdem Ecclesiis ab Episcopis instituuntur, eorum debet institutio stare, & firmiter observari, qui auctoritate Episcopi sunt instituti; concessione priori, quæ nulla est, omnino evanescuta. Non enim licet laicis clericos in Ecclesiis propriâ præsumptione ordinare.

N O T A.

(a) *Eboracen.*] Ita etiam legitur in prima collectione, sub hoc titul. cap. 12. & post Con-

cilium Lateran. p. 15. cap. 1. & in c. inter. de re script. ubi extat alia pars hujus decretalium & commentarium hujus textus dedi in cap. 4. hoc titul.

C A P U T XI.

Idem (a) *Abbatib. & Priorib. & Clericis per Archiepiscopatum Eboracen, constitutis.*

Cura pastorali necessitate constringimur, & auctoritate injuncti nobis officii provoca mur pro statu Ecclesiarum vigili studio satagere, & ne ultra juris ordinem alicui conferri valeant Ecclesiaz, attentiori sollicitudine providere. Inde est, quod universitati vestra per A. s. m. quat. ex donatione laicorum, nisi auctoritas diccescandi Episcopi, & consensus adsit, nullus vestrum aliquas Ecclesias vendicare præsumat, vel retinere taliter acquisitas, nisi longâ fuerit præscriptione munitus, aut postea diccescandi Episcopi habuerit forcè consensum. Nos enim cum laici non possint in alios, nisi jus, quod habent, transferre, hujusmodi concessiones viribus carere decernimus, & irritas penitus esse censemus.

N O T A.

(a) *Abbatibus.*] Ita etiam legitur in prima collectione, sub hoc tit. cap. 13. & post Concilium Lateran. p. 15. cap. 12. in Metropolitam Eboracen sunt plura monasteria, tam monachorum, quam canonistarum regularium, ut referunt Tam burinus in serie *Abbatum verbo Eboracenfis*, Pen nosus lib. 2. hist. canonie. regul. c. 37.

C O M M E N T A R I U M.

Cum certum sit juris principium, beneficium non posse obtineri sine institutione canonica, cap. 1. de R. I. lib. 6. nec patronum posse sine Episcopi institutione beneficium conferre, ex adductis supra in cap. 4. difficilis profecto est præsens textus, dum in eo Alexander docet, legitulo temporis spatio posse presbyterum, qui Ecclesiam accepit a patrono laico, eam acquirere. Pro cuius textus expositione varia adduxerunt repetentes hic Covar. & alii, quos retert Garanna in cap. 1. hoc tit. Balboa in cap. ad aures, de prescript. num. 30. Acosta de privil. credit. ampl. 1. num. 56. communiter docent, in praesenti agi, non de concessione Ecclesiaz, sed de donatione ipsius jurispatronatus facta a laico, in qua cum desideraret Episcopi licentia, ex traditis supra in cap. illud; ideo ut legitime laicus illud jus retineret, præscriptione legitimi temporis acquiri potuit. Sed facilè hæc interpretatio convincitur primo, quia ut ex littera hujus textus constat, non iuspatronatus, sed Ecclesiam ipsam patronos concessissi, seu concedere consueville in Metropoli Eboracensi, aperte deducitur; & eam non concessisse laicos ut vult post alias Garanna, sed potius Abbatibus, Prioribus, & clericis, cum quibus Pontifex loquitur, & quibus rescribit. Quare verius dicendum est, in praesenti textu agi de consuetudine, quæ in-

valuerat in Metropoli Eborac. juxta quam patrōni concedebant Ecclesias ipsas, in quibus ius habebant patronatus, monasteriis manchorum, seu Canonistarum regularium, in perpetuum, quod facere nequibant sine consensu Episcopi cap. consultationibus, cap. pastoralis, de dona, ubi notavi: quo casu ut ipsa Ecclesia uniretur monasterio, non erat necessaria Episcopi institutio, sed tantum licentia, seu auctoritas dict. cap. consultationibus. Unde ea deficiente donationis a patrōni facta, talis concessio firma, & validam erat, sed potesta convalescere, rataque habebatur, si monasterium per legitimū tempus Ecclesiam ipsam tanquam unitam monasterio posse dedit, ut de aliis Ecclesiis a monachis in principio iuspatronatus probavit in c. 1. de capel. monach. & docuit Heraldus Episcopus Turon. in suis capit. can. 79. ibi: *Qui Ecclesiam trecennari jure possiderit, nulli deinceps subtrahere liceat*; aut si potesta accederet consensus Episcopi, cap. suggestionis, hoc in quo casu ex nunc valere similem unionem, docuit Acosta ubi supra. Non ergo in praesenti textu agitur de donatione facta a patrono laico ipsius iuspatronatus; nam tunc cum facta esset locis religiosis ut ex epigraphis, & integra hujus textus constat, non erat necessarius Episcopi consensus, juxta traditionem supra in cap. illud; sed de concessione ipsius Ecclesiae, ut perpetuo unita maneret ipsi monasterio: quo casu necessarius est Episcopi consensus, dict. cap. consultationibus. Quæ interpretatio facile probatur ex ratione adducta ab ipso Alexander, ibi: *Cum laici non possint in aliis, nisi ius, quod habent, transferre.* Agnovit ergo Pontifex iuspatronatus recte posse ipsos patronos in consilio Episcopo locis religiosis donare, quia illud ius ipsi habent: at vero Ecclesias, in quibus tantum iuspatronatus obtinet, concedere etiam religiosis locis non posse.

CAPUT